

RIM / AVIONOM IZ SARAJEVA 4 NOCENJA

od ~~999~~ 849 KM

TERMIN: 25.02. - 01.03.2025. Utorak

Lacio sa glavnim gradom Rimom poznat je kao "srce Italije". Oblast drevnog Lacijuma koja se poklapa sa današnjim Lacijom, bila je centar starorimske države i matično područje latinskog jezika. Glavni grad Italije „Vječni grad“ „Caput Mundi“, najmoćniji grad u istoriji civilizacije koji vijekovima ne gubi primat evropskog i svjetskog centra umjetnosti, kulture, religije, politike, bogatstva. Nalazi se u centralnom dijelu zapadne obale Apeninskog poluostrva na rijeci Tibar, prostire se na čuvenih sedam brežuljaka. Šira gradska zona Rima ima oko 3,8 miliona stanovnika. U Rimu se nalazi i jedinstvena nezavisna papska država Vatikan, što ga čini i jednim od najvećih svjetskih centara hodočašća. Arheološki ostaci velikog antičkog Rima svakako su prvi i najstariji razlog posjeta ovom gradu. Simboli antike uklopljeni su u urbani gradski ambijent – Koloseum, Panteon, Forum Romanum... Centar grada udaljen je svega 24 km od obale Tirenskog mora koje čitavoj oblasti daje predivnu, prijatnu i blagu klimu – još jedan od mnogih razloga da provjerite da li zaista svi putevi vode u Rim.

Itinerer

1 SARAJEVO - RIM

Okupljanje na sarajevskom aerodromu 2h prije leta u 10:30 Prijava na let za Rim. Vrijeme leta je 12:40, avio kompanija Wizz Air. Planirano vrijeme slijetanja u Rim je u 14:10.

Nakon pasoške kontrole, slijedi transfer do hotela. Prijava u isti i slobodno vrijeme. Noćenje.

2 RIM

Doručak, slobodno vrijeme ili fakultativni obilazak Rima sa najznačajnijim kulturno-historijskim blagom Rima Foruma Koloseuma i posljednjeg počivališta posljednje Bosanske kraljice Katarine, obilazimo najznačajnije lokalitete antičkog Rima, mjesta na kome je on nastao. Nekada središte političkog, religioznog i javnog života. Obilazak uključuje Koloseum, najveći rimski amfiteatar koji oživljava atmosferu najznačajnijeg društvenog događaja antičkog Rima – borbe gladijatora; brežuljak Palatino, mjesto na kome je, po legendi, vučica odgajila Romula i Rema, mitske osnivače grada i koji u narednim vijekovima postaje najelitnija rezidencijalna zona, mjesto stanovanja rimskih imperatora i uglednih građana; Forum, centar političkog, javnog i komercijalnog života, u okviru koga se nalaze ostaci bazilika, tržnica, sudnica i hramova; Kapitolinski brežuljak, nekadašnji rimski akropolj, simbol neprikosnovenog autoriteta antičkog Rima. Nakon obilaska najznačajnijih rimskih lokaliteta zaputit ćemo se prema crkvi u kojoj je grob posljednje Bosanske kraljice Katarine koja je jedna od najzanimljivijih i najslavnijih ličnosti srednjovjekovne Bosne, čija je tragična sudbina skončala 25. oktobra 1478. godine u Rimu, daleko od njene domovine.

3 RIM - VATIKAN

Doručak. Slobodno vrijeme ili poludnevni fakultativni izlet Vatikan Anđeoski most, Anđeoska tvrđava, Vatikan, trg sv. Petra s kolonadama. Razgled najveće crkve na svijetu, Bazilike sv. Petra, kojom dominira

Michelangelova kupola. Svakako predlažemo uspon na čuvenu kupolu (320 stepenica) s prekrasnom panoramom cijelog Rima. U popodnevnom slobodno vrijeme za posjet Vatikanskim muzejima i Sikstinskoj kapeli. U večernjim satima predlažemo odlazak do četvrti Trastevere, koja odiše pravom rimskom atmosferom, s tipičnim restoranima, barovima i uličnim zabavljačima. Noćenje.

4 RIM +TIVOLI

Doručak. Izlet do gradića Tivoli ostaje nezaboravan. Još od vremena rimskih imperatora, gradsko okruženje bilo je idealno za podizanje prelijepih vila. A Vila di Este, pod zaštitom UNESCO-a pravi je biser Tivolija. Bajkoviti vrt sa fontanama od kojih zastaje dah samo su dio onoga što vas očekuje na ovom izletu. U njoj je živio kardinal Hipolit II D' Este, a u istoj je ugostio pape, kraljeve i prinčeve, vojvode i čuvene umjetnike. Palatu krasi mnogobrojni mozaici koji predstavljaju slike iz svakodnevnog života. Jedinstvena je zbog više stotina monumentalnih fontana, od kojih su najljepše one koje su izgrađene u baroknom stilu i imitiraju zvukove kao što su cvrkut ptica ili orgulje

Povratak u hotel. SLOBODNO VRIJEME

5 RIM-SARAJEVO

Doručak, transfer do aerodroma, Let za Sarajevo u 10:35h

Cijena uključuje

- Povratna avio karta na relaciji Sarajevo-Rim-Sarajevo
- Transfer od aerodroma do hotela i od hotela do aerodroma
- Hotelski smještaj na bazi 4 noćenja sa doručkom u hotelu sa 3*
- Organizacija putovanja
- Pratilac grupe ili predstavnik na destinaciji
- RUČNA PRTLJAGA (RUKSAK)

Cijena ne uključuje

- Putničko zdravstveno osiguranje
- Fakultativne izlete
- Boravišnu taksu
- Individualne troškove
- Doplata za prtljag

Napomena

CIJENE FAKULTATIVNIH IZLETA MINIMALAN BROJ ZA REALIZACIJU 10 OSOBA

- Forum i Koloseum (sa ulaznicom) – 65 €
- Vatikan (sa ulaznicom) – 80 €
- Pješačko razgledanje grada – 40 €
- TIVOLI - 80 €

NAPOMENA: U SLUČAJU OTKAZIVANJA 50% CIJENE OD ARANŽMANA JE NEREFUNDABILNO

Za ovo putovanje vrijede Opći uslovi putovanja agencije M97.